

Bosna i Hercegovina
BRČKO DISTRIKT
BOSNE I HERCEGOVINE
Komisija-Povjerenstvo za odlučivanje
o sukobu interesa



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
Комисија за одлучивање о
сукобу интереса

Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2025. GODINU

Brčko, mart 2026. godine

SADRŽAJ

UVODNE NAPOMENE.....	3
ORGANIZACIONA STRUKTURA I AKTIVNOSTI KOMISIJE.....	4
MIŠLJENJA KOMISIJE ZA ODLUČIVANJE O SUKOBU INTERESA	6
JEDINSTVENI REGISTAR JAVNIH FUNKCIJA, NOSILACA JAVNE FUNKCIJE, IMOVINE NOSILACA JAVNE FUNKCIJE I POKLONA	13
REGISTAR JAVNIH FUNKCIJA I NOSILACA JAVNE FUNKCIJE	13
REGISTAR IMOVINE NOSILACA JAVNE FUNKCIJE.....	16
IZVJEŠTAJ O IMOVINSKOM STANJU NOSILACA JAVNE FUNKCIJE.....	16
POSTUPCI PRED KOMISIJOM.....	19
ODLUKA SUDA I OSTALIH NADLEŽNIH INSTITUCIJA OD UTICAJA NA RAD KOMISIJE ZA ODLUČIVANJE O SUKOBU INTERESA.....	24
EDUKACIJE/SEMINARI	24
BUDŽET KOMISIJE I POSTUPAK JAVNE NABAVKE.....	25
SARADNJA	25
JAVNOST RADA KOMISIJE.....	26

Na osnovu člana 25 stav (1) tačka h) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa na 147. sjednici održanoj dana 27.03.2026. godine donosi

IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2025. GODINU

UVODNE NAPOMENE

Komisija za odlučivanje o sukobu interesa kao stalno, nezavisno i samostalno tijelo, obavlja poslove iz nadležnosti propisane Zakonom o sprečavanju sukoba interesa u institucijama Brčko distrikta Bosne i Hercegovine. Članom 24. stav (3) navedenog Zakona propisana je zabrana bilo kakvog uticaja na rad Komisije, ukoliko se njim može dovesti u pitanje nezavisnost i samostalnost u donošenju odluka iz nadležnosti Komisije. Obaveza Komisije je da shodno članu 25 stav (1) tačka h) Zakona o sprečavanju sukoba interesa u institucijama Brčko distrikta Bosne i Hercegovine jednom godišnje podnese Skupštini Brčko distrikta BiH Izvještaj o radu s ciljem da predstavi i prikaže podatke o aktivnostima Komisije tokom izvještajnog perioda. Članom 25 Zakona o sprečavanju sukoba interesa u institucijama Brčko distrikta Bosne i Hercegovine propisane su sljedeće nadležnosti Komisije za odlučivanje o sukobu interesa:

- provodi nepristrasan, odgovoran i objektivan postupak za utvrđivanje postojanja sukoba interesa u pojedinačnim slučajevima, po prijavi ili po službenoj dužnosti i preduzima mjere za sprečavanje sukoba interesa te izriče sankcije;
- provjerava tačnost i potpunost podataka iz izvještaja;
- inicira izmjene propisa koji se direktno ili indirektno tiču sukoba interesa te daje mišljenja na takve propise inicirane od drugih organa ili institucija;
- daje mišljenja i uputstva nosiocu javne funkcije i drugim zainteresovanim licima s ciljem sprečavanja sukoba interesa i pravilnog podnošenja izvještaja;
- provodi obuke i prezentacije te informiše nosioce javnih funkcija o njihovim pravima, obavezama i odgovornostima u vezi sa sukobom interesa te pravilnom podnošenju Izvještaja;
- uspostavlja Jedinostveni registar;
- odlučuje o postojanju sukoba interesa u pojedinačnom slučaju;
- jednom godišnje izvještava Skupštinu Brčko distrikta BiH o svom radu;
- podnosi izvještaj Tužilaštvu Brčko distrikt BiH o povredi Zakona, koje mogu imati obilježje krivičnog djela;
- inicira pokretanje postupka oduzimanja nezakonito stečene imovine;
- donosi Poslovník o radu i druge akte propisane Zakonom i
- obavlja druge poslove propisane Zakonom.

Komisija za odlučivanje o sukobu interesa u svom radu prevashodno primjenjuje sljedeće propise:

- Zakon o sprečavanju sukoba interesa u institucijama Brčko distrikta BiH,
- Poslovnik o radu Komisije za odlučivanje o sukobu interesa u Brčko distriktu BiH ("Službeni glasnik Brčko distrikta Bosne i Hercegovine", broj: 19/21),
- Odluku o sadržaju i načinu vođenja Jedinostvenog registra javnih funkcija, nosilaca javne funkcije, imovine nosilaca javne funkcije i poklona ("Službeni glasnik Brčko distrikta Bosne i Hercegovine", broj: 19/21),
- Zakon o upravnom postupku Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 48/11, 21/18 i 23/19)
- Zakon o slobodi pristupa informacijama u Bosni i Hercegovini ("Službeni glasnik Bosne i Hercegovine" broj: 38/25),
- Zakon o zaštiti ličnih podataka ("Službeni glasnik Bosne i Hercegovine" broj:12/25), te druge zakone, podzakonske i opšte akte potrebne za obavljanje poslova Komisije.

ORGANIZACIONA STRUKTURA I AKTIVNOSTI KOMISIJE

Komisiju kao kolegijalno tijelo čine predsjednik i dva člana Komisije, koji se biraju na period od 5 godina i mogu biti imenovani najviše 2 puta. Predsjednik i članovi Komisije ne mogu biti članovi političkih stranaka posljednjih pet godina prije kandidovanja, odnosno za predsjednika odnosno člana Komisije ne može se imenovati osoba koja je član, ili koja je bila član političke stranke kroz navedeni vremenski period zbog zabrane bilo kakvog uticaja na rad Komisije, prije svega političkog, te svakog drugog uticaja, koji bi mogao ugroziti njenu samostalnost i nezavisnost.

Shodno Odluci o unutrašnjoj organizaciji i sistematizaciji radnih mjesta u Komisiji za odlučivanje o sukobu interesa poslove obavljaju: predsjednik, dva člana Komisije i sedam viših stručnih saradnika i to: 3 viša stručna saradnika za sukob interesa, viši stručni saradnik za finansijsko poslovanje, viši stručni saradnik za informacione tehnologije, viši stručni saradnik za pravne, kadrovske i opće poslove i viši stručni saradnik za podršku, s tim da je zbog korištenja porodiljskog bolovanja, u nekim periodima 2025. godine, Komisija obavljala svoje aktivnosti sa dva zaposlenika manje. Komisija i pored problema sa odsustvovanjem zaposlenih, nije angažovala osobe putem ugovora o djelu, niti ugovora o privremenim i povremenim poslovima, zbog zaštite podataka, koji se prikupljaju tokom provjere sadržaja Izvještaja o imovinskom stanju, nego je koristila isključivo postojeće zaposlene, preraspoređujući poslove na raspoložive ljudske resurse.

Komisija je tokom izvještajnog perioda održala 32 sjednice sa ukupno 129 tačaka dnevnog reda, na kojima su donesene: odluke o pokretanju postupka, odluke o nepokretanju postupka, davana mišljenja, doneseni zaključci, donesena rješenja o utvrđivanju postojanja povreda Zakona, izricane novčane kazne, opomene, te doneseni drugi razni opšti akti, a raspravljalo se i o drugim pitanjima iz nadležnosti Komisije za odlučivanje o sukobu interesa.

U izvještajnom periodu kroz djelovodnik predmeta i akata Komisije za odlučivanje o sukobu interesa upisano je ukupno 1438 akata, internu dostavnu knjigu provedeno je 1980 akata i knjigu prijernih računa uručeno je 130 računa. Takođe, vezano za provjere koje su se odvijale isključivo putem pisane korespondencije između Komisije i organa, institucija i pravnih lica u zemlji i inostranstvu, koji raspolažu potrebnim podacima, ukupno je upućeno 1617 dopisa.

Komisija je u izvještajnom periodu blagovremeno u roku od 15 dana od dana podnošenja zahtjeva davala mišljenja na podnesene zahtjeve.

Komisija je kontinuirano ažurirala Jedinostveni registar javnih funkcija i nosilaca javnih funkcija podacima dostavljenih od organa ili institucija Brčko distrikta BiH, a na osnovu podataka dostavljenim od strane nosilaca javne funkcije Komisija ažurira Registar imovine nosilaca javne funkcije. Registar poklona ne sadrži podatke, obzirom da nosioci javne funkcije tokom 2025. godine, nisu dostavljali obrasce o primljenim poklonima iznad 200 KM, kako propisuje član 17 Zakona.

Komisija je kontinuirano ažurirala Registar preduzeća u koji se unose podaci koje nosioci javne funkcije imaju obavezu dostaviti Komisiji u slučaju da oni ili članovi uže porodice imaju 0,5% ili više udjela u vlasništvu. Takođe putem prikupljanja podataka u cilju utvrđivanja povreda odredaba Zakona o sprečavanju sukoba interesa u institucijama Brčko distrikta BiH odnosno utvrđivanja sukoba interesa, Komisija je osim trenda rasta prenosa vlasničkih udjela na način da u preduzećima u kojima su prije imenovanja nosioci javne funkcije bili vlasnici, da su isti vršili prenos vlasništva bez naknade na druge osobe, članove njihove uže porodice ili povezana lica odnosno koristili institut prenosa upravljačkih prava na nepovezana lica, shodno članu 8. Zakona o sprečavanju sukoba interesa u institucijama Brčko distrikta BiH, uočila takođe da neka od takvih preduzeća nakon njihovih imenovanja na pozicije nosilaca javne funkcije dobijaju mnogo veća novčana sredstva (podsticaje, olakšice, donacije, grantove itd) i ostvaruju mnogo više poslovne saradnje s budžetskim korisnicima (postupci nabavke itd.) odnosno imaju mnogo veće finansijske prilive novca iz budžeta distrikta, nego što su te firme ostvarivale prije preuzimanja javne funkcije od strane nosilaca javne funkcije. Provjerom podataka Komisija nije utvrdila elemente sukoba interesa, ali je prosljedila prikupljene podatke Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH, radi ispitivanja postojanja eventualnog koruptivnog ponašanja od strane nosilaca javne funkcije vezano za poslovanje ovih preduzeća i njihovo povećanje poslovanja sa Distriktom.

Komisija je u izvještajnom periodu, pokrenula aktivnosti vezano za provjere člana 11. Zakona odnosno glasanja nosilaca javne funkcije, kada su u pitanju njihovi interesi ili pogodnosti kao i interesi i pogodnosti povezanih lica, zbog sve većeg broja prijava protiv nosilaca javne funkcije vezano za ovaj vid ponašanja.

Komisija je tokom 2025. godine vodila postupke protiv nosilaca javne funkcije zbog povreda odredaba Zakona, kako po službenoj dužnosti, tako i na osnovu anonimnih i neanonimnih prijava.

Protiv ranijih odluka Komisije tokom izvještajnog perioda okončana su 2 upravna spora, presudom Apelacionog suda potvrđena su rješenja Komisije, dok je jedan postupak odlukom Apelacionog suda vraćen Osnovnom sudu na ponovno rješavanje i odlučivanje, zbog osnovane žalbe Komisije za odlučivanje o sukobu

interesa. Jedan postupak pred Apelacionim sudom je u toku, a po žalbenom postupku, koji je pokrenut u prethodnom periodu, te u izvještajnom periodu nije još uvijek pravosnažno okončan. Izvršni postupak koji se vodio pred Osnovnim sudom, radi naplate izrečene novčane kazne u iznosu od 3.000,00 KM sa pripadajućim kamatama i troškovima, takođe je okončan u izvještajnom periodu.

Komisija je u izvještajnom periodu nastavila sa praksom održavanja edukacija za nosioce javne funkcije u cilju što uspješnijeg informisanja nosilaca javne funkcije o njihovim pravima, obavezama, odgovornostima, zabranjenim aktivnostima i slično. Komisija je takođe kontinuirano radila na edukaciji zaposlenih u Komisiji, te su zaposleni prisustvovali obukama na seminarima, konferencijama i slično iz oblasti sprečavanja sukoba interesa.

Komisija je tokom prethodnog perioda uspješno finansijski poslovala, te provodila postupke javnih nabavki.

Komisija za odlučivanje o sukobu interesa kontinuirano je radila na unapređenju transparentnosti u radu prevashodno putem sredstava javnog inforisanja ali i kroz ažuriranje sadržaja web stranice Komisije, kako bi javnost bila obaviještena o radu Komisije, a takođe i isticanjem obavještenja o pravima, obavezama i odgovornostima nosilaca javne funkcije, te nastavila da unapređuje i saradnju sa drugim organima, institucijama, pravnim licima, kako u zemlji tako i zemljama iz okruženja.

MIŠLJENJA KOMISIJE ZA ODLUČIVANJE O SUKOBU INTERESA

Komisija je u izvještajnom periodu u cilju preventivnog djelovanja davala mišljenja po zahtjevima nosilaca javne funkcije. Zaprimito je 13 zahtjeva za davanje mišljenja kako od strane nosilaca javnih funkcija, organa, institucija Brčko distrikta BiH i pravnih lica koje je osnovao Distrikt tako i zainteresovanih lica u skladu sa članom 25 Zakona o sprečavanju sukoba interesa u institucijama Brčko distrikta Bosne i Hercegovine, te je Komisija blagovremeno u zakonskom roku od 15 dana od dana prijema zahtjeva davala mišljenja na sljedeće zahtjeve:

- 1. J. M. kao zainteresovano lice, podnesenim zahtjevom, tražio je mišljenje ukoliko bude izabran na poziciju direktora pravnog lica koje je osnovao Distrikt i postane nosilac javne funkcije, da li bi postojao sukob interesa ukoliko bi istovremeno bio član Prvostepene komisije za bolovanje, čiji je trenutno član.*

Komisija je dala mišljenje da ne postoji sukob interesa u navedenom slučaju, pri tome upućujući na član 5. stav (1) Zakona o sprečavanju sukoba interesa u institucijama Brčko distrikta BiH kojim je propisano da nosilac javne funkcije obavlja jednu javnu funkciju, te na stav (3) istog člana kojim je propisano da za vrijeme obavljanja javne funkcije, koja podrazumijeva rad s punim radnim vremenom, nosilac javne funkcije ne može obavljati druge poslove, a stav (4) istog člana propisuje izuzetak, da nosilac javne funkcije može da se bavi naučnim, nastavnim, kulturnim, umjetničkim i sportskim radom i stiče prihode od autorskih, patentnih i sličnih prava, intelektualne i industrijske svojine, ukoliko bavljenje ovim djelatnostima ne dovodi do sukoba interesa i obavlja se izvan radnog vremena.

- 2. A. Đ. član Upravnog odbora Turističke organizacije Brčko distrikta BiH, nosilac javne funkcije, tražio je mišljenje, da li kao nosilac javne funkcije može obavljati istovremeno i funkciju predsjednika Komisije za polaganje stručnog ispita za turističkog vodiča Brčko distrikta BiH, s obzirom da je trenutno član Upravnog odbora organizacije koja je zadužena za provođenje procesa obuke turističkih vodiča.*

Komisija je dala mišljenje da u ovom slučaju ne postoji sukob interesa obzirom da je članom 5. stav (6) propisano da članstvo u stalnim i povremenim radnim tijelima koje imenuje organ ili institucija Distrikta u kojem nosilac javne funkcije obavlja funkciju ili sličnim tijelima na bilo kojem nivou vlasti na nivou BiH, ne smatra se obavljanjem dvije ili više javnih funkcije, te nema smetnje da nosilac javne funkcije istovremeno obavlja dužnost predsjednika Komisije za polaganje stručnog ispita za turističkog vodiča Brčko distrikta BiH i člana Upravnog odbora Turističke organizacije.

- 3. JZU "Zdravstveni centar Brčko" Brčko distrikt BiH dostavila je Komisiji za odlučivanje o sukobu interesa, zahtjev za mišljenje u kojem traže odgovore na pitanje o postojanju sukoba interesa shodno poslovima koje obavljaju mnogi doktori, a sa aspekta primjene Zakona o sprečavanju sukoba interesa u institucijama Brčko distrikta BiH, jer osim obavljanja poslova specijalista, obavljaju i druge poslove u raznim komisijama, vijećima i slično.*

Komisija je dala mišljenje kojim upućuje na član 2. Zakona o sprečavanju sukoba interesa u institucijama Brčko distrikta BiH kojim je propisano da sukob interesa postoji kada nosilac javne funkcije ima privatni interes koji utiče, može uticati ili se stvara utisak da utiče na obavljanje javne funkcije te da je privatni interes bilo kakva ostvarena ili moguća korist ili pogodnost za nosioca javne funkcije ili sa njim povezanih lica, dok je finansijski interes svaki interes koji nosiocu javne funkcije omogućava da primi novac u vrijednosti većoj od 1.000,00 KM godišnje, kao i na član 11. Zakona kojim je propisano da nosilac javne funkcije ne može učestvovati u procesu odlučivanja niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču nosioca javne funkcije ili s njim povezanog lica ili postojanje finansijskog i drugog interesa, te bilo kojem drugom pitanju koje se direktno ili indirektno tiče povezanog lica, uz napomenu da učestvovanje u radu raznih stručnih tijela i obavljanje poslova doktora određenih specijalnosti može dovesti i do sukoba interesa, jer uvijek može postojati privatni interes koji utiče, može uticati ili se stvara utisak da utiče na obavljanje javne funkcije, ali su u nadležnosti Komisije isključivo nosioci javne funkcije, a ne i doktori koji nisu nosioci javne funkcije.

- 4. Odjeljenje za stručne i administrativne poslove Vlade Brčko distrikta Bosne i Hercegovine dostavilo je zahtjev za davanje mišljenja, pitajući da li postoji sukob interesa za rukovodioce organa javne uprave, s obzirom da je odredbama člana 52. Zakona o javnim nabavkama BiH propisana diskvalifikacija ponuđača iz postupaka javnih nabavki zbog sukoba interesa i korupcije, te obaveza dostave Izjava predstavnika organa, te navode da je sukob interesa vrlo široko definisan i da obuhvata i „povezana lica“.*

Komisija je dala mišljenje upućujući na član 11. stav (1) Zakona kojim je propisano da nosilac javne funkcije ne može učestvovati u procesu odlučivanja niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču nosioca javne funkcije ili s njim povezanog lica ili

postojanja finansijskog i drugog interesa, te bilo kojem drugom pitanju koje se direktno ili indirektno tiče povezanog lica, te stav (2) istog člana propisuje da je nosilac javne funkcije dužan prijaviti finansijski i drugi interes iz stava (1) ovog člana te neće preduzimati nikakve službene radnje koje su od uticaja na poslovanje privatnog preduzeća u kojem nosilac javne funkcije ili s njim povezano lice ima finansijski interes, kao ni radnje kojima nosilac javne funkcije ili s njim povezano lice ostvaruje finansijski interes, uključujući i radnje vezane za zapošljavanje, imenovanje ili postavljenje sa njim povezanog lica u organu odnosno instituciji u kojoj obavlja javnu funkciju. Stav (3) istog člana Zakona propisuje da će se u slučajevima iz stava (1) i (2) ovog člana nosilac javne funkcije izuzeti od svih službenih radnji, učešća u raspravi, glasanja i odlučivanja i obrazložiti razloge izuzeća. Takođe, Komisija je skrenula pažnju na član 16. tačka e) Zakona kojim je propisano da je nosiocu javne funkcije zabranjeno uticati na dobijanje poslova ili ugovora o javnim nabavkama, odnosno uticati na angažman pravnog ili fizičkog lica od strane organa ili institucije Distrikta u kojem obavlja javnu funkciju ili drugog pravnog lica koristeći uticaj javne funkcije s ciljem sticanja materijalne ili nematerijalne koristi za sebe, povezano lice ili bilo koje drugo lice, naglašavajući da je potrebno da postupci nabavke, iznosi procijenjene vrijednosti i uopšte svi finansijski interesi budu maksimalno transparentni za javnost i da se nosioci javnih funkcija pridržavaju odredaba Zakona o sprečavanju sukoba interesa u institucijama Brčko distrikta Bosne i Hercegovine.

5. M. P. član Upravnog odbora Zavoda za planiranje, projektovanje i razvoj Brčko distrikta BiH, nosilac javne funkcije, dostavio je zahtjev za mišljenje Komisiji za odlučivanje o sukobu interesa Brčko distrikta BiH, tražeći odgovor, da li postoji sukob interesa obzirom da je kao nosilac javne funkcije izabran na radno mjesto u drugoj instituciji. U nastavku navodi da je zbog podnesene žalbe, ali i najavljene tužbe sačekao istek rokova da bi se obratio Komisiji za odlučivanje o sukobu interesa Brčko distrikta BiH.

Komisija je dala mišljenje da u ovom slučaju ne postoji sukob interesa i da kao član upravnog odbora navedene institucije u smislu Zakona o sprečavanju sukoba interesa u institucijama Brčko distrikta Bosne i Hercegovine je nosilac javne funkcije, dok je u skladu sa članom 2. tačka a) Zakona o državnoj službi u organima javne uprave Brčko distrikta Bosne i Hercegovine zaposlen na poziciji državnog službenika shodno predočenom nazivu i opisu radnog mjesta. Takođe je propisano članom 5. stav (1) Zakona o sprečavanju sukoba interesa u institucijama Brčko distrikta BiH da nosilac javne funkcije obavlja jednu javnu funkciju, te da ne može obavljati dvije funkcije, a što kod njega nikako nije slučaj.

6. S. Š. član Upravnog odbora JP „Komunalno Brčko“ Brčko distrikt BiH, nosilac javne funkcije je dostavio zahtjev za mišljenje u kojem traži odgovor Komisije o eventualnom postojanju sukoba interesa, pri njegovom povratku na ranije radno mjesto. Takođe traži i odgovor na pitanja koje institucije čine Brčko distrikt BiH, kao i odgovor na pitanje ko sve čini organ javne uprave u Brčko distriktu BiH.

Komisija je dala mišljenje da u ovom slučaju ne postoji sukob interesa, upućujući na član 2. tačka a) Zakona o sprečavanju sukoba interesa u institucijama Brčko distrikta Bosne i Hercegovine u kojem je propisano da „sukob interesa“ postoji kada nosilac javne funkcije ima privatni interes koji utiče, može uticati ili se stvara utisak da utiče na obavljanje javne funkcije. Nadalje istim članom tačka b) propisano je da je „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje

saglasnost daje Skupština Brčko distrikta BiH, ukoliko drugim zakonom nije drugačije propisano, dok je u skladu sa Zakonom o zdravstvenoj zaštiti Brčko distrikta BiH, pozicija „Portparola“ u JZU „Zdravstveni centar Brčko“ pozicija koja nije javna funkcija. Članom 5. stav (1) Zakona o sprečavanju sukoba interesa u institucijama Brčko distrikta BiH propisano je da nosilac javne funkcije obavlja jednu javnu funkciju, te da ne može obavljati dvije funkcije, što kod njega nikako nije slučaj.

7. *Odjeljenje za obrazovanje Vlade Brčko distrikta Bosne i Hercegovine, obratilo se sa zahtjevom za mišljenje Komisiji za odlučivanje o sukobu interesa Brčko distrikta BiH, tražeći odgovor da li postoji sukob interesa obzirom da je nakon provedenog otvorenog postupka javne nabavke radova na tekućem održavanju školskih objekata (2 lota), gradonačelnik Brčko distrikta BiH donio Odluku o izboru najpovoljnijih ponuđača u kojoj je kao najpovoljniji ponuđač za lot broj 1 – Molersko farbarskih radova izabrana firma u kojoj je vlasnik zet novoizabranog šefa Odjeljenja za obrazovanje.*

Komisija je dala mišljenje da je uvidom u službenu dokumentaciju Komisije utvrđeno da je šef Odjeljenja za obrazovanje Vlade Brčko distrikta BiH imenovan na javnu funkciju i počeo istu obavljati nakon što je ova firma izabrana kao najpovoljniji ponuđač. Slijedom navedenog, a na osnovu dokumentacije i uvida u istu, utvrđeno je da u ovom slučaju ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije. Komisija je međutim mišljenja da bi se šef Odjeljenja za obrazovanje Vlade Brčko distrikta BiH, nosilac javne funkcije trebao izuzeti od bilo kakvog glasanja i drugih radnji kad je u pitanju predmetna firma shodno članu 11 stav (1) Zakona o sprečavanju sukoba interesa u institucijama Brčko distrikta BiH.

8. *Odjeljenje za obrazovanje Vlade Brčko distrikta BiH obratilo se zahtjevom Komisiji za odlučivanje o sukobu interesa u kojem traže mišljenje da li će postojati smetnja s obzirom da je Odjeljenje za obrazovanje dobilo saglasnost Vlade Brčko distrikta BiH za angažovanje 28 izvršilaca po osnovu Ugovora o obavljanju posebnih poslova, te da je protiv jednog lica, koje bi potencijalno trebalo biti angažovano u Odjeljenju za obrazovanje podignuta optužnica pred Osnovnim sudom Brčko distrikta Bosne i Hercegovine.*

Komisija je dala mišljenje da sa aspekta Zakona o sprečavanju sukoba interesa u institucijama Brčko distrikta Bosne i Hercegovine, ne postoji sukob interesa, jer se radi o angažovanju izvršilaca shodno odredbama drugih zakona, i ne radi se o nosiocima javne funkcije, nego službenicima. Vezano za angažovanje potencijalnog izvršioca protiv kojeg je podignuta optužnica pred Osnovnim sudom Brčko distrikta Bosne i Hercegovine, Komisija za odlučivanje o sukobu interesa Brčko distrikta Bosne i Hercegovine uputila je na član 4. Zakona o sprečavanju sukoba interesa u institucijama Brčko distrikta Bosne i Hercegovine ukazujući na moralna načela kojih se nosioci javne funkcije trebaju pridržavati u radu i ponašanju, naglašavajući da navedeni Zakon ne sadrži odredbe koje bi detaljnije regulisale konkretno navedeni problem, te je uputila da uzmu u obzir i odredbe Zakona o državnoj službi u organima javne uprave Brčko distrikta Bosne i Hercegovine u cilju što kvalitetnijeg rješavanja dileme.

9. *M. Š. član Upravnog odbora Turističke organizacije, nosilac javne funkcije tražila je mišljenje Komisije za odlučivanje o sukobu interesa da li postoji sukob*

interesa ukoliko je kao nosilac javne funkcije i istovremeno zaposlenik Skupštine Brčko distrikta Bosne i Hercegovine, takođe i član Komisije za zapošljavanje po raspisanom javnom konkursu za prijem u radni odnos na neodređeno vrijeme službenika u Komisiju za odlučivanje o sukobu interesa.

Komisija je dala mišljenje da u konkretnom slučaju ne postoji sukob interesa, odnosno nema smetnje da nosilac javne funkcije obavlja dužnost člana Komisije za zapošljavanje po raspisanom javnom konkursu za prijem u radni odnos na neodređeno vrijeme službenika u Komisiju za odlučivanje o sukobu interesa, obzirom da se zapošljavanje u Komisiji vrši na način i po postupku propisanom za zapošljavanje u Stručnoj službi Skupštine, odnosno u skladu sa Zakonom o sprečavanju sukoba interesa u institucijama Brčko distrikta Bosne i Hercegovine i Zakonom o službenicima i namještenicima u Skupštini Brčko distrikta Bosne i Hercegovine, te zbog primjene navedenih odredaba zakona pri zapošljavanju službenika u Komisiju za odlučivanje o sukobu interesa na opisan način ne postoji sukob interesa.

10. *S. M. kao zainteresovano lice, tražio je mišljenje od Komisije za odlučivanje o sukobu interesa, da li bi postojao sukob interesa ako bi bio nosilac javne funkcije (zastupnik u Skupštini Brčko distrikta Bosne i Hercegovine) u odnosu na poslove u stručnim Komisijama i udruženjima, čiji je član, kao i pozicije u JZU "Zdravstveni centar Brčko" Brčko distrikt BiH koju obavlja i to kako je navedeno:*
- a) Agenciji za lijekove i medicinska sredstva BiH, Komisija za klinička ispitivanja, član Komisije;*
 - b) FZO Brčko distrikt BiH, Komisija za liječenje izvan Brčko distrikta BiH, član Komisije;*
 - c) JZU "Zdravstveni centar Brčko" Brčko distrikt BiH, dispanzer za plućne bolesti i tbc, vršilac dužnosti šefa dispanzera za plućne bolesti i tbc;*
 - d) Udruženju građana „Vjera i nada“, član udruženja.*

Slijedom navedenih tačaka zahtjeva, Komisija za odlučivanje o sukobu interesa je hronološki dala mišljenje kako slijedi:

- a) S obzirom da je pozicija člana Komisije za klinička ispitivanja pri Agenciji za lijekove i medicinska sredstva BiH stručno tijelo navedene Agencije i na prijedlog Stručnog savjeta članove bira direktor Agencije za lijekove i medicinska sredstva BiH, može se smatrati stalnim radnim tijelom i ne predstavlja sukob interesa shodno članu 5. stav (6) Zakona o sprečavanju sukoba interesa u institucijama Brčko distrikta BiH.
- b) Preporuka Komisije po ovoj tački upita je da isto lice istovremeno ne bi trebalo obavljati poslove člana Komisije za liječenje izvan Brčko distrikta BiH i dužnost šefa dispanzera za plućne bolesti u Javnoj zdravstvenoj ustanovi, Zdravstveni centar Brčko, dispanzer za plućne bolesti, kao rukovodeća pozicija, prvenstveno u cilju osiguranja vjerodostojnosti nosioca javne funkcije, zaštite integriteta javne funkcije i da pozicija člana Komisije za liječenje izvan Brčko distrikta BiH, bude prepuštena drugim licima koja ne obavljaju javnu funkciju.
- c) Komisija je mišljenja da ukoliko bi bio zastupnik bez utvrđenog statusa profesionalnog poslanika u Skupštini Brčko distrikta BiH i istovremeno u radnom odnosu kao vršilac dužnosti šefa dispanzera za plućne bolesti u Javnoj zdravstvenoj ustanovi, Zdravstveni centar Brčko, dispanzer za plućne bolesti, u tome smislu ne bi došlo do povrede Zakona o sprečavanju sukoba interesa u institucijama Brčko distrikta BiH i ne bi

predstavljao sukob interesa u odnosu na poziciju poslanika u Skupštini Brčko distrikta BiH, upozoravajući na član 11. Zakona.

- d) Članstvo u udruženju "Vjera i nada", ne predstavlja sukob interesa odnosno nespojivost funkcija, osim ako bi ovo udruženje ostvarilo različite angažmane od strane nosioca javne funkcije, te bi u tom slučaju ukoliko bi postojala sumnja pri postupanju nosioca javne funkcije na postojanje sukoba interesa ili sumnja na eventualnu povredu navedenih zakonskih odredaba uslijed postupanja, trebao prestati biti član udruženja.

11. M. K., član Upravnog odbora JP „Luka Brčko“ d.o.o. Brčko distrikta Bosne i Hercegovine, nosilac javne funkcije tražio je mišljenje Komisije za odlučivanje o sukobu interesa da li postoji sukob interesa s obzirom da je nosilac javne funkcije, a ujedno i zaposlen u jednom privatnom preduzeću Brčko distrikta Bosne i Hercegovine od 2013. godine u svojstvu direktora firme, a firma se bavi projektovanjem i građenjem svih vrsta objekata i između ostalog sklapa poslove koji se obavljaju u institucijama Vlade Brčko distrikta Bosne i Hercegovine.

Komisija je mišljenja da navedeni nosilac javne funkcije može obnašati funkciju direktora navedenog preduzeća, upozoravajući da će sukob interesa postojati ako iznosi koje preduzeće primi iz budžeta Brčko distrikta Bosne i Hercegovine ili budžeta bilo kojeg drugog nivoa vlasti u Bosni i Hercegovini, na ime olakšice, kreditnih sredstava i sl. pređu iznos od 10.000,00 KM godišnje, odnosno ako poslovanje s organima i institucijama koji se finansiraju iz Budžeta na bilo kojem nivou vlasti pređu iznos od 10.000,00 KM na godišnjem nivou.

12. Lj. I. zastupnik u Skupštini Brčko distrikta BiH, nosilac javne funkcije, tražila je mišljenje Komisije za odlučivanje o sukobu interesa o procjeni eventualnog sukoba interesa s obzirom da je njen otac u 2025. godini ostvario pravo na podsticaj u poljoprivrednoj proizvodnji, a ona izabrana kao zastupnik u Skupštini Brčko distrikta Bosne i Hercegovine.


Komisija je mišljenja da u opisanom slučaju ne postoji sukob interesa, te Komisija skreće pažnju na to da Ljubica Ilić treba da se izuzme od svih službenih radnji, učešća u raspravi, glasanja i odlučivanja ukoliko nastanu okolnosti propisane članom 11. stav (1) Zakona o sprečavanju sukoba interesa u institucijama Brčko distrikta Bosne i Hercegovine. Članom 7. stav (4) Zakona o sprečavanju sukoba interesa u institucijama Brčko distrikta Bosne i Hercegovine, obavezna je prijaviti Komisiji ovaj finansijski interes.

13. Upravni odbor JZU „Zdravstveni centar Brčko“ Brčko distrikta Bosne i Hercegovine obratio se Komisiji za odlučivanje o sukobu interesa zahtjevom za davanje mišljenja o postojanju sukoba interesa po pitanju prijedloga imenovanja J. M. direktora JZU „Zdravstveni centar Brčko“ Brčko distrikta Bosna i Hercegovine za člana Stručnog vijeća i odgovor na pitanje da li bi direktor bio u sukobu interesa imenovanjem u Stručno vijeće, ukoliko bi se odrekao iznosa naknade.

Komisija je dala mišljenje da nosilac javne funkcije odnosno direktor ne može biti član Stručnog vijeća, shodno članu 39. Statuta JZU „Zdravstveni centar Brčko“ Brčko distrikta Bosne i Hercegovine kojim ovaj vid aktivnosti dozvoljava samo ljekarima, a naročito članu 5. Zakona o sprečavanju sukoba interesa u institucijama Brčko distrikta

Bosne i Hercegovine, posebno stava (4) navedenog člana koji taksativno navodi poslove (naučne, nastavne, kulturne, umjetničke i sportske poslove i sticanje prihoda od autorskih, patentnih i sličnih prava, intelektualne i industrijske svojine), koji su izuzetak, te prema tome ne prepoznaje navedenu aktivnost i ista ne predstavlja izuzetak te bi postupanje suprotno odredbama člana 5. navedenog Zakona proizvelo kršenje odredaba Zakona odnosno nastanak sukoba interesa.

Komisija je mišljenja da bi nosioci javne funkcije trebali detaljnije obrazlagati podnesene zahtjeve i priložiti potrebne dokumente, jer zahtjev za mišljenje treba da sadrži dovoljno činjenica odnosno podataka, kako bi Komisija mogla postupati po istom. Ovo je posebno važno istaći, zbog naknadnog postupanja Komisije. Kako je propisano članom 16 Poslovnika o radu Komisije, ukoliko se u naknadnom postupku, koji bi vodila Komisija, utvrde činjenice i okolnosti u odlučivanju o postojanju sukoba interesa vezanog za lice na čiji zahtjev je dato ranije mišljenje, a na osnovu kojih je potrebno donijeti odluku koja je drugačija od ranije datog mišljenja zainteresovanom licu odnosno nosiocu javne funkcije, to ranije dato mišljenje ne bi obavezivalo Komisiju, a takođe ne bi oslobodilo odgovornosti ono lice na čiji zahtjev ili u vezi s kojim je dato ranije mišljenje. Posebno treba naglasiti da ukoliko utvrđivanje izmijenjenih okolnosti nije rezultat stvarno izmijenjenih okolnosti nego svjesnog davanja netačnih informacija od nosioca javne funkcije, navedena okolnost uzima se kao otežavajuća okolnost kod odlučivanja o sankciji ukoliko se utvrdi postojanje sukoba interesa.



Grafikon 1: Prikaz datih mišljenja

Na osnovu grafikona vidljivo je, da je Komisija tokom 2022. godine dala mišljenje na 11 podnesenih zahtjeva za davanje mišljenja, tokom 2023. godine dala mišljenje na 15 podnesenih zahtjeva za davanje mišljenja, tokom 2024. godine dala mišljenje na 25 podnesenih zahtjeva za davanje mišljenja i tokom 2025. godine dala mišljenje na 13 podnesenih zahtjeva za davanje mišljenja. Broj zahtjeva za davanje mišljenja u prethodne četiri godine varira od 11 do 25 zahtjeva. Komisija je kroz edukacije u prethodnim godinama, te stalni rad i obavještanja nosilaca javne funkcije uvijek isticala važnost ovog načina komunikacije, jer omogućava u konkretnim situacijama da nosioci javne funkcije svojim djelovanjem ne učine povredu odredaba zakona odnosno sukob interesa, obzirom da uputstvo o načinu postupanja za konkretnu situaciju dobiju u samom mišljenju Komisije.


JEDINSTVENI REGISTAR JAVNIH FUNKCIJA, NOSILACA JAVNE FUNKCIJE, IMOVINE NOSILACA JAVNE FUNKCIJE I POKLONA

Shodno članu 22 Zakona o sprečavanju sukoba interesa u institucijama Brčko distrikta BiH, Komisija je tokom 2025. godine kontinuirano ažurirala Jedinostveni registar javnih funkcija, nosilaca javne funkcije, imovine nosilaca javne funkcije i poklona, u skladu sa zakonskim odredbama i dostavljenim podacima. Jedinostveni registar sastoji se od tri registra i to: Registar javnih funkcija i nosilaca javne funkcije, Registar imovine nosilaca javne funkcije i Registar poklona koje nosilac javne funkcije primi za vrijeme obavljanja javne funkcije. U svaki od navedenih registara unose se podaci, koje Komisiji dostavljaju organi, institucije, pravna lica koje osniva distrikt i pravna lica kojima je povjereno vršenje javnih ovlaštenja, a prevashodno nosioci javne funkcije.

REGISTAR JAVNIH FUNKCIJA I NOSILACA JAVNE FUNKCIJE

U Registar javnih funkcija i nosilaca javne funkcije u pravilu prije prve radnje nosioca javne funkcije prema Komisiji, na osnovu podataka dostavljenih od strane organa, institucija, pravnih lica koje osniva distrikt i pravnih lica kojima je povjereno vršenje javnih ovlaštenja upisuju se kako podaci tako i promjene podataka o osobama koje obavljaju javnu funkciju u skladu sa zakonskim odredbama. Uspostavom ovog Registra ostvareno je nekoliko bitnih ciljeva. Prije svega, utvrđeno je koje funkcije su javne funkcije u Brčko distriktu BiH, te upisom same javne funkcije i podataka o osobi koja tu funkciju u određenom vremenu obavlja u Registar javnih funkcija i nosilaca javne funkcije kojeg u okviru svojih nadležnosti vodi Komisija, otklanja se svaka sumnja u status pojedinog nosioca javne funkcije kao obveznika postupanja u skladu s odredbama Zakona o sprečavanju sukoba interesa u institucijama Brčko distrikta BiH. S druge strane, ažurnim promjenama podataka upisanih u Registar javnih funkcija i nosilaca javnih funkcija omogućava se učinkovita provjera blagovremenog postupanja i poštovanja Zakonom propisanih rokova od strane nosilaca javne funkcije u ispunjavanju obaveza podnošenja Izvještaja o imovinskom stanju kao i blagovremena reakcija Komisije u slučaju povrede Zakonom propisanih obaveza. Registar javnih funkcija i nosilaca javnih funkcija omogućava da građani imaju uvid u podatke o osobama koje obavljaju javnu funkciju u određenom trenutku, odnosno koje su pod nadležnošću Komisije. Na osnovu podataka upisanih u Registar javnih funkcija i nosilaca javnih funkcija, Komisija prati rokove za podnošenje Izvještaja, obavještenja i drugo. Podaci o stupanju na javnu funkciju ili o prestanku obavljanja iste upućuju na daljnje radnje i postupke koje Komisija mora preduzeti prema samom nosiocu javne funkcije, a tako i radnje i postupke koje nosioci javne funkcije moraju preduzeti prema Komisiji shodno odredbama Zakona.

Registar javnih funkcija i nosilaca javnih funkcija često je podložan promjenama, jer se mijenjaju pozicije, te se pojavljuju nove, brišu postojeće, mijenjaju se i nosioci javnih funkcija na postojećim javnim funkcijama, neki prestaju sa obavljanjem dužnosti, a drugi bivaju ponovo imenovani itd. U Registar javnih funkcija i nosilaca javne funkcije sa 31.12.2025. godine upisano je ukupno 179 pozicija javne funkcije.



Grafikon 2: Ukupan broj nosilaca javne funkcije

Navedeni pokazatelji potvrđuju da uspostava Registra nije jednokratni čin, već podrazumijeva trajno i proaktivno djelovanje Komisije za odlučivanje o sukobu interesa uz kontinuiranu saradnju svih institucija i organa vlasti u Brčko distriktu BiH kada je u pitanju blagovremeno izvještavanje Komisije o prestanku i početku obavljanja javne funkcije i dostavljanje obavještenja i Aneksa I o prestanku i početku obavljanja javne funkcije nosilaca javne funkcije u roku od 15 dana od dana nastale promjene. Komisija blagovremeno unosi sve dostavljene podatke iz Aneksa I, odnosno ažurira Registar javnih funkcija i nosilaca javnih funkcija u roku od 15 dana od dana dostavljanja podataka.

Tabelarni prikaz javnih funkcija i nosilaca javnih funkcija sa 31.12.2025. godine:

JAVNA FUNKCIJA	NOSILAC JAVNE FUNKCIJE
Predsjednik Skupštine Brčko distrikta BiH	1
Zamjenik predsjednika Skupštine Brčko distrikta BiH	1
Zastupnik u Skupštini Brčko distrikta BiH	29
Gradonačelnik Brčko distrikta BiH	1
Zamjenik gradonačelnika Brčko distrikta BiH	1
Glavni koordinator Vlade Brčko distrikta BiH	1
Savjetnik gradonačelnika Brčko distrikta BiH	6
Šef Odjela Vlade Brčko distrikta BiH	12
Predsjednik Komisija za odlučivanje o sukobu interesa	1
Komisija za papire od vrijednosti	1
Izborna Komisija	1
Zamjenik predsjednika Komisija za papire od vrijednosti	1
Član Komisija za odlučivanje o sukobu interesa	2
Komisija za papire od vrijednosti	1
Izborna Komisija	6

Direktor	
Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH	1
Zavod za zapošljavanje Brčko distrikta BiH	1
Fond zdravstvenog osiguranja Brčko distrikta BiH	1
Razvojno garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
„JP Komunalno Brčko“ d.o.o. Brčko distrikta BiH	1
RNU „Radio Brčko“ Brčko distrikta BiH	1
JP „Putevi Brčko“ d.o.o. Brčko distrikta BiH	1
JZU „Zdravstveni centar Brčko“ Brčko distrikta BiH	1
JP „Luka Brčko“ d.o.o. Brčko distrikta BiH	1
Turistička organizacija Brčko distrikta BiH	1
Zamjenik/pomoćnik direktora	
Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH	2
Fond zdravstvenog osiguranja Brčko distrikta BiH	2
Zavod za planiranje, projektovanje i razvoj Brčko distrikta BiH	2
„JP Komunalno Brčko“ d.o.o.	2
JP „Putevi Brčko“ d.o.o. Brčko distrikta BiH	2
JZU „Zdravstveni centar Brčko“	2
JP „Luka Brčko“ d.o.o. Brčko distrikta BiH	2
Glavni revizor	1
Zamjenik glavnog revizora	2
Šef Policije Brčko distrikta BiH	1
Zamjenik šefa Policije Brčko distrikta BiH	2
Predsjednik upravnog odbora	
Fond zdravstvenog osiguranja Brčko distrikta BiH	1
Zavod za zapošljavanje Brčko distrikta BiH	1
Razvojno garantni fond Brčko distrikta BiH	1
Zavod za planiranje, projektovanje i razvoj Brčko distrikta BiH	1
JZU „Zdravstveni centar Brčko“	1
RNU „Radio Brčko“ Brčko distrikta BiH	1
„JP Komunalno Brčko“ d.o.o.	1
JP „Putevi Brčko“ d.o.o. Brčko distrikta BiH	1
JP „Luka Brčko“ d.o.o. Brčko distrikta BiH	1
Turistička organizacija Brčko distrikta BiH	1
Član upravnog odbora	
Fond zdravstvenog osiguranja Brčko distrikta BiH	4
Zavod za zapošljavanje Brčko distrikta BiH	4
Razvojno garantni fond Brčko distrikta BiH	4
Zavod za planiranje, projektovanje i razvoj Brčko distrikta BiH	4
„JP Komunalno Brčko“ d.o.o.	4
RNU „Radio Brčko“ Brčko distrikta BiH	4
JP „Putevi Brčko“ d.o.o. Brčko distrikta BiH	4
JZU „Zdravstveni centar Brčko“	4
JP „Luka Brčko“ d.o.o. Brčko distrikta BiH	4
Turistička organizacija Brčko distrikta BiH	4
Predsjednik nadzornog odbora	
JZU „Zdravstveni centar Brčko“	1
Član nadzornog odbora	

JZU „Zdravstveni centar Brčko“	2
Pravobranilac	1
Zamjenik pravobranioca	7
Član Pravosudne Komisije Brčko distrikta BiH iz reda građana	3
Predsjednik	1
Član Nezavisni odbor za izbor šefa i zamjenika šefa policije	6
Direktor pravnog lica kojem je povjereno vršenje javnog ovlaštenja „Centar za tehničke sisteme“ d.o.o. Brčko distrikta BiH	1
Predsjednik	1
Član Vijeće nacionalnih manjina	7
Komisija za provođenje Kodeksa ponašanja zastupnika u Skupštini Brčko distrikta BiH iz reda građana	3
UKUPNO	179

Tabelarni prikaz sadrži ukupan broj nosilaca javnih funkcija, odnosno ova tabela brojčano razvrstava rukovodeće, upravne i nadzorne javne funkcije u organima, institucijama, pravnim licima koje osniva Distrikt kao i u pravnim licima kojima je povjereno vršenje javnog ovlaštenja.

U Registar javnih funkcija i nosilaca javne funkcije sa 31.12.2025. godine upisano je ukupno 179 nosilaca javne funkcije, s tim da je imenovano odnosno izabrano 175 nosilaca javne funkcije. U Registru nosilaca javne funkcije upražnjene su 4 pozicije javne funkcije, jer nisu imenovani nosioci javne funkcije i to: zamjenik glavnog revizora Kancelarije za reviziju javne uprave i institucija u Brčko distriktu BiH, član upravnog odbora Javne zdravstvene ustanove „Zdravstveni centar Brčko“ Brčko distrikta BiH, te dva člana Vijeća nacionalnih manjina.

Izvršen je ukupno 61 upis početka mandata nosilaca javne funkcije i ukupno 43 prestanka mandata. Prema tome, okončano je ukupno 43 mandata zbog raznih osnova, tako je u 35 slučajeva nosiocima javne funkcije istekao redovan mandat, u 3 slučaja nosioci javne funkcije su podnijeli ostavku, dok je u 5 slučajeva mandat stavljen u mirovanje. Komisija je 80 nosilaca javne funkcije evidentirala kao pasivne obveznike primjene Zakona, koji su obavezni dvije godine po prestanku javne funkcije dostavljati Izvještaj. Tokom izvještajnog perioda izbrisano je 24 pasivnih nosilaca javne funkcije, zbog proteka dvije godine od prestanka obavljanja javne funkcije.

REGISTAR IMOVINE NOSILACA JAVNE FUNKCIJE


U uspostavljeni Registar imovine nosilaca javne funkcije unose se podaci za svakog nosioca javne funkcije koji su upisani u Izvještaj o imovinskom stanju, izuzev podataka koji se ne objavljuju zbog primjene člana 22. stav (5) Zakona.

IZVJEŠTAJ O IMOVINSKOM STANJU NOSILACA JAVNE FUNKCIJE

Jedna od osnovnih aktivnosti Komisije je prijem, a potom provjera tačnosti i potpunosti podataka iz Izvještaja o imovinskom stanju nosilaca javne funkcije na Obrascu o imovinskom stanju nosioca javne funkcije, bračnog i vanbračnog druga,

djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja.

Za svaki izvještaj o imovinskom stanju nosioca javne funkcije podnesen povodom početka mandata, svake bitne promjene, te povodom prestanka mandata, neposredno po njegovom zaprimanju, a prije objave podataka iz Izvještaja na internet stranici Komisije, provodi se prethodna odnosno administrativna provjera koja obuhvata provjeru statusa podnosioca u smislu postojanja obaveze podnošenja Izvještaja, provjeru je li Izvještaj podnesen u zakonskom roku, provjeru je li Izvještaj o imovinskom stanju potpisan od strane nosioca javne funkcije, te provjeru pravilnog i potpunog ispunjavanja obrasca Izvještaja od strane nosioca javne funkcije. Na osnovu podataka iz Registra nosilaca javne funkcije, Komisija u postupcima prethodne provjere provjerava koji nosioci javne funkcije nisu podnijeli Izvještaj o imovinskom stanju povodom početka odnosno prestanka obavljanja javne funkcije, uključujući i ponovni izbor ili imenovanja na istu javnu funkciju, naravno na osnovu drugog pravnog osnova. Provjera podataka vrši se prevashodno na osnovu Plana provjera Izvještaja o imovinskom stanju, koji Komisija donosi na početku godine za svaku tekuću godinu. Godišnji plan provjera za 2025. godinu obuhvatao je provjeru za: novoimenovane nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjereno vršenje javnog ovlaštenja odnosno licima koja su imenovana, odnosno na čiji izbor ili imenovanje saglasnost daje Skupština ili Vlada Brčko distrikta BiH kao i provjeru za nosioce javne funkcije čiji su Izvještaji o imovinskom stanju za 2024. godinu sadržavali podatke drugačijeg sadržaja u odnosu na Izvještaje iz prethodnog perioda (nova nekretnina, auto, kredit, štednja i sl.), poslanike u Skupštini, zamjenike glavnog revizora u Kancelariji za reviziju javne uprave i institucija u Brčko distriktu BiH, zamjenike Sefa Policije, članove Komisije za odlučivanje o sukobu interesa, pomoćnike direktora Kancelarije za prevenciju korupcije i koordinaciju aktivnosti na suzbijanju korupcije, člana Komisije za papire od vrijednosti Brčko distrikta BiH; zamjenike i pomoćnike direktora organa, institucija, pravnih lica koje osniva Distrikt i pravnih lica kojima je povjereno vršenje javnog ovlaštenja; nosioce javne funkcije koji obavljaju javnu funkciju, a koji su imali privatna preduzeća (naknadno prenijeli upravljačka prava, promjene registracije u registru suda, brisani iz registra suda i slično) u cilju provjere finansijskog interesa, ostvarenog od ovih preduzeća kako njihovih, tako i članova uže porodice; nosioce javne funkcije koji obavljaju javnu funkciju, čiji članovi uže porodice, ostvaruju finansijski interes iz Budžeta ili posluju sa institucijama, organima i pravnim licima koja se finansiraju iz Budžeta; nosioce javne funkcije, koje je Komisija procesuirala u prethodnom periodu zbog sukoba interesa.



Grafikon 3: Prikaz godišnjih Izvještaja o imovini i dopuna Izvještaja o imovini

Na osnovu navedenog grafikona vidljivo je, da je konstantno povećavan broj podnesenih Izvještaja o imovini, te je u 2025. godini u odnosu na 2024. godinu povećan broj predatih godišnjih Izvještaja o imovini i to za 16%. Takođe je vidljiv porast izvršenih dopuna Izvještaja o imovinskom stanju i to za 14% u 2025. godini u odnosu na 2024. godinu.

Komisija za odlučivanje o sukobu interesa ažurno je objavljivala na internet stranici sve podatke iz Izvještaja o imovinskom stanju kako za **255** nosilaca javne funkcije, tako i za bračnog i vanbračnog druga, djecu, druge članove porodičnog domaćinstva, kao i lica prema kojima nosilac javne funkcije ima zakonsku obavezu izdržavanja na obrascu o imovinskom stanju, koji su kao skup podataka uneseni u Registar imovine nosilaca javne funkcije, izuzev podataka koji se ne objavljuju shodno članu 22 stav (5) Zakona o sprečavanju sukoba interesa u institucijama Brčko distrikta BiH, a vezano za primjenu Zakona o zaštiti ličnih podataka.

Izvještaji o imovinskom stanju podložni su promjenama, ne samo kada su u pitanju lični podaci samog nosioca javne funkcije, već i kada je u pitanju imovina i podaci o članovima porodičnog domaćinstva, te samim tim promjeni je podložan i Registar o imovinskom stanju nosilaca javne funkcije, nakon svake dopune Izvještaja, a kojih je tokom izvještajnog perioda bilo 86 ukupno. Iz Registra imovine nosilaca javne funkcije brisani su podaci za 24 nosioca javne funkcije zbog proteka dvije godine od dana prestanka obavljanja javne funkcije. Četiri nosioca javne funkcije koji su bili dužni predati Izvještaj o imovinskom stanju nosioca javne funkcije, bračnog i vanbračnog druga, djece, drugih članova porodičnog domaćinstva, kao i lica prema kojim nosilac javne funkcije ima zakonsku obavezu izdržavanja nisu predali Izvještaj o imovinskom stanju, zbog čega im je shodno članu 39 Zakona o sprečavanju sukoba interesa u institucijama Brčko distrikta Bosne i Hercegovine izrečena novčana kazna, a za jednog nosioca javne funkcije nije dostavljen ANEKS I, te je izrečena novčana sankcija odgovornom licu.

Trend rasta broja dostavljenih izvještaja o prihodima i imovini po različitim osnovama, odnosno rast broja dostavljenih izvještaja posljedica je povećanja broja javnih funkcija, promjene javne funkcije, odlaska na drugu javnu funkciju prije isteka mandata, promjene pravnog osnova i drugo, a povećanje broja dopuna Izvještaja su rezultat povećanja aktivnih promjena na imovini nosilaca javne funkcije (kupovina, naslijeđe: auta, nekretnina; podizanje kredita; promjena adrese; promjena broja članova porodičnog domaćinstva i sl.).

Redovnu provjeru podataka obavljali su viši stručni saradnici za sukob interesa, upoređivanjem upisanih podataka u Izvještaj o imovinskom stanju sa podacima prikupljenim od organa, institucija i pravnih lica u zemlji i inostranstvu, koji raspolažu sa informacijama, odnosno organa, institucija i pravnih lica, koja vode evidencije o podacima, kao što su: Direkcija za finansije Brčko distrikta BiH, Osnovni sud Brčko distrikta BiH, Odjeljenja Vlade Brčko distrikta BiH, Centralna banka Bosne i Hercegovine, Poslovne banke u Bosni i Hercegovini, Poreske uprave u Bosni i Hercegovini, Policija Brčko distrikta BiH i drugi organi i institucije u zemlji i inostranstvu, koji vode evidenciju o podacima, koje je potrebno provjeriti. Naravno, sve provjere su se odvijale isključivo putem pisane korespondencije između Komisije i navedenih organa, institucija i pravnih lica u zemlji i inostranstvu, koji raspolažu potrebnim podacima, tako da je upućeno 1617 dopisa na razne adrese.

Postupci povrede odredaba Zakona o sprečavanju sukoba interesa u institucijama Brčko distrikta BiH vođeni su i okončani u zakonom propisanom roku od 6 mjeseci od dana pokretanja postupka.

Komisija u postupcima koje je pokretala, nije utvrđivala je li nesklad ili nesrazmjer podataka u Izvještaju i prikupljenih podataka posljedica namjere nosioca javne funkcije da u Izvještaju prikrije svoje stvarno imovinsko stanje, već je na osnovu podataka i dokumentacije koju je prikupila od drugih organa, institucija i pravnih lica utvrđivala da nosilac javne funkcije u odnosu na podatke koje je bio dužan navesti, nije ispunio svoje obaveze iz člana 19. i 20. Zakona odnosno da je počinio njihovu povredu, te su zbog toga izricane sankcije.

POSTUPCI PRED KOMISIJOM

U skladu sa članom 25. Zakona o sprečavanju sukoba interesa u institucijama Brčko distrikta BiH, Komisija je tokom 2025. godine vodila ukupno 29 postupaka, tokom 2024. godine vođeno je ukupno 16 postupaka, 2023. godine vođeno je ukupno 75 postupaka, a 2022. godine vođeno je ukupno 36 postupaka. Komisija za odlučivanje o sukobu interesa u periodu od osnivanja Komisije sredinom 2021. godine do 31.12.2025. godine pokrenula je i okončala 142 postupka. Od ovog broja 80 postupaka pokrenuto je po službenoj dužnosti i 62 postupka pokrenuta su po anonimnim i neanonimnim prijavama. Izrečeno je 78 sankcija (novčanih kazni, opomena i prijedloga za razrješenje s javne funkcije), a iz razloga: nepotpunosti i netačnosti podataka, nepodnošenja i neblagovremenog podnošenja Izvještaja o imovinskom stanju, nespojivosti funkcija, neprijavljivanja finansijskog interesa, neprenošenja upravljačkih prava, obavljanja nedozvoljenih dužnosti u udruženjima, postojanja sukoba interesa, neobavještanja ili neblagovremenog obavještanja Komisije od strane organa i institucija, nepodnošenja i neblagovremenog podnošenja Izvještaja o imovini i slično). Takođe je doneseno 60 odluka o : nepokretanju postupka, odbacivanju prijave zbog

nenadležnosti, odbijanju prijave, obustavi zbog nepostojanja dokaza i nevođenja postupka zbog predhodnog odlučivanja o istom.

Obzirom na broj nosilaca javne funkcije i broj izrečenih sankcija u gore navedenom periodu, jasno proizilazi da je nosiocima javne funkcije, sankcija izrečena u 78 postupaka, tako da je od ukupnog broja nosilaca javne funkcije procentualno oko 40% povrijedilo odredbe Zakona o sprečavanju sukoba interesa u institucijama Brčko distrikta BiH.

U izvještajnom periodu vođeni su postupci kako po službenoj dužnosti, tako i po anonimnim i neanonimnim prijavama, te su svi okončani u zakonskom roku od 6 mjeseci od dana pokretanja postupka na sljedeći način:

1. Postupak pokrenut po službenoj dužnosti protiv nosioca javne funkcije, direktora Razvojno– garantnog fonda Brčko distrikta Bosne i Hercegovine, zbog neobavještanja Komisije o početku, odnosno prestanku obavljanja javne funkcije u roku od 15 dana od dana početka, odnosno prestanka obavljanja javne funkcije shodno članu 18. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanje povrede zakona, izrečena novčana kazna u iznosu od 500,00 KM. Postupak pokrenut tokom 2024. godine, a okončan u toku 2025. godine, u zakonskom roku od 6 mjeseci.
2. Postupak pokrenut po službenoj dužnosti protiv nosioca javne funkcije, člana Izborne Komisije Brčko distrikta Bosne i Hercegovine, zbog netačnosti i nepotpunosti podataka u Izvještaju o imovinskom stanju shodno članu 19. i 20. Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena opomena. Postupak pokrenut tokom 2024. godine, a okončan u toku 2025. godine, u zakonskom roku od 6 mjeseci.
3. Postupak pokrenut po službenoj dužnosti protiv nosioca javne funkcije, dopredsjednika Skupštine Brčko distrikta Bosne i Hercegovine, zbog netačnosti i nepotpunosti podataka u Izvještaju o imovinskom stanju shodno članu 19. i 20. Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna u iznosu od 2.000,00 KM.
4. Postupak pokrenut po službenoj dužnosti protiv nosioca javne funkcije, člana Nadzornog odbora Javne zdravstvene ustanove „Zdravstveni centar Brčko“ Brčko distrikta Bosne i Hercegovine, zbog nepodnošenja Izvještaja o imovinskom stanju nosioca javne funkcije u roku od 30 dana od dana stupanja na javnu funkciju Komisiji za odlučivanje o sukobu interesa, shodno članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna u iznosu od 1.000,00 KM.
5. Postupak pokrenut po službenoj dužnosti protiv nosioca javne funkcije direktora JP „Komunalno Brčko“ d.o.o. Brčko distrikta Bosne i Hercegovine, zbog nedostavljanja dopune Izvještaja o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima

- nosilac javne funkcije ima zakonsku obavezu izdržavanja-Aneks II, u roku od 30 dana od dana uvećanja imovine, shodno članu 21. stav (1) tačka b) Zakona o sprečavanju sukoba interesa u institucijama Brčko distrikta Bosne i Hercegovine, a u vezi sa članom 19. stav (2) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena opomena.
6. Postupak pokrenut po službenoj dužnosti protiv nosioca javne funkcije, savjetnika gradonačelnika Brčko distrikta Bosne i Hercegovine, zbog netačnosti i nepotpunosti podataka u Izvještaju o imovinskom stanju shodno članu 19. stav (1) i stav (2) tačka c) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, okončan zaključkom o obustavi postupka, jer se radilo o imovini zakonom propisanog minimuma.
 7. Postupak pokrenut po anonimnoj prijavi protiv zaposlenika u Federalnom ministarstvu rada i socijalne politike, nema status nosioca javne funkcije u institucijama Brčko distrikta BiH, okončan zaključkom o odbacivanju prijave shodno odredbama Zakona o upravnom postupku Brčko distrikta BiH, radi nenadležnosti.
 8. Postupak pokrenut po anonimnoj prijavi protiv zastupnika u Skupštini Brčko distrikta Bosne i Hercegovine, nosioca javne funkcije, zbog povrede člana 7. stav (1) i člana 11. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan odlukom o nepokretanju postupka.
 9. Postupak pokrenut po anonimnoj prijavi protiv nosioca javne funkcije, direktora Fonda zdravstvenog osiguranja Brčko distrikta Bosne i Hercegovine, zbog sumnje na postojanje sukoba interesa shodno članu 11. a u vezi s članom 2 tačka c) Zakona o sprečavanju sukoba interesa u institucijama Brčko distrikta Bosne i Hercegovine, te članu 27. i 28. stavovima (1), (2) i (3) i članu 83. Zakona o zdravstvenom osiguranju Brčko distrikta Bosne i Hercegovine, okončan odlukom o nepokretanju postupka.
 10. Postupak pokrenut po službenoj dužnosti protiv nosioca javne funkcije, člana Upravnog odbora JZU "Zdravstveni centar Brčko" Brčko distrikt BiH, zbog netačnosti i nepotpunosti podataka u Izvještaju o imovinskom stanju shodno članu 19. stav (1) i stav (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine, okončan zaključkom o obustavi postupka.
 11. Postupak pokrenut po anonimnoj prijavi protiv nosioca javne funkcije, člana Upravnog odbora „Zavoda za planiranje, projektovanje i razvoj Brčko distrikta BiH“, radi sumnje na postojanje sukoba interesa, odnosno da nosilac javne funkcije obavlja istovremeno i dvije javne funkcije, shodno članu 5., a u vezi s članom 2. tačka a), b) i c) Zakona o sprečavanju sukoba interesa u institucijama Brčko distrikta Bosne i Hercegovine i članu 2. tačka a) Zakona o državnoj službi u organima javne uprave Brčko distrikta Bosne i Hercegovine, okončan odlukom o nepokretanju postupka.
 12. Postupak pokrenut po neanonimnoj prijavi protiv nosioca javne funkcije člana Nadzornog odbora JZU "Zdravstveni centar Brčko" Brčko distrikt BiH, koji je prestao obnašati javnu funkciju, radi sumnje na povrede člana 10. Zakona o sprečavanju sukoba interesa u institucijama Brčko distrikta BiH a u vezi s članom 2. tačka a), b) i c) Zakona o sprečavanju sukoba interesa u

institucijama Brčko distrikta Bosne i Hercegovine, okončan odlukom o nepokretanju postupka.

13. Postupak pokrenut po službenoj dužnosti protiv nosioca javne funkcije direktora Razvojno-garantnog fonda Brčko distrikt BiH, zbog nedostavljanja obavještenja o prestanku obavljanja javne funkcije i Izvještaja o imovinskom stanju nosioca javne funkcije nakon prestanka obavljanja javne funkcije i zbog nedostavljanja Izvještaja o imovinskom stanju nosioca javne funkcije nakon stupanja na javnu funkciju shodno članu 21. stav (3) i članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna, obustavom 10% neto naknade.
14. Postupak pokrenut po anonimnoj prijavi protiv nosioca javne funkcije, člana Nezavisnog odbora za izbor šefa Policije i zamjenika šefa Policije Brčko distrikta BiH, radi sumnje na povrede člana 19. i 20. Zakona o sprečavanju sukoba interesa u institucijama Brčko distrikta BiH, okončan odlukom o nepokretanju postupka.
15. Postupak pokrenut po službenoj dužnosti protiv nosioca javne funkcije, člana Komisije za provođenje kodeksa ponašanja zastupnika u Skupštini Brčko distrikta BiH, zbog nedostavljanja Izvještaja o imovinskom stanju nosioca javne funkcije nakon stupanja na javnu funkciju, shodno članu 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna, obustavom 20% neto naknade.
16. Postupak pokrenut po službenoj dužnosti protiv nosioca javne funkcije, zastupnika u Skupštini Brčko distrikta BiH, zbog propuštanja da ugovorom prenese upravljačka prava na drugo pravno ili fizičko lice shodno članu 8. stav (1) Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna, obustavom 20% neto naknade.
17. Postupak pokrenut po anonimnoj prijavi protiv nosioca javne funkcije, zastupnika u Skupštini Brčko distrikta BiH, radi sumnje na povrede člana 11. Zakona o sprečavanju sukoba interesa u institucijama Brčko distrikta BiH, okončan odlukom o nepokretanju postupka.
18. Postupak pokrenut po anonimnoj prijavi protiv nosioca javne funkcije, zastupnika u Skupštini Brčko distrikta BiH, radi sumnje na povredu člana 11. stav (1), (2) i (3) a u vezi sa članom 2. tačka a), b), c), e), f), g) i h) Zakona o sprečavanju sukoba interesa u institucijama Brčko distrikta BiH, okončan zaključkom o obustavi postupka.
19. Postupak pokrenut po službenoj dužnosti protiv nosioca javne funkcije zastupnika u Skupštini Brčko distrikta BiH, zbog sumnje na povredu člana 11. Zakona o sprečavanju sukoba interesa u institucijama Brčko distrikta BiH, okončan odlukom o nepokretanju postupka.
20. Postupak pokrenut po službenoj dužnosti protiv nosioca javne funkcije, člana Komisije za provođenje kodeksa ponašanja zastupnika u Skupštini Brčko distrikta BiH, zbog nedostavljanja Izvještaja o imovinskom stanju nosioca javne funkcije nakon stupanja na javnu funkciju, shodno članu 19. stav (1) Zakona o sprečavanju sukoba interesa u institucijama Brčko distrikta

Bosne i Hercegovine, okončan rješenjem o utvrđivanju postojanja povrede zakona, izrečena novčana kazna, obustavom 20% naknade.

21. Postupak pokrenut po anonimnoj prijavi protiv odbornika NDP odnosno osobe koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave shodno odredbama Zakona o upravnom postupku Brčko distrikta BiH, radi nenadležnosti.
22. Postupak pokrenut po anonimnoj prijavi protiv direktora Doma Zdravlja odnosno osobe, koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave shodno odredbama Zakona o upravnom postupku Brčko distrikta BiH, radi nenadležnosti.
23. Postupak pokrenut po anonimnoj prijavi protiv šefa JP "Zavod za udžbenike i Nastavna sredstva" odnosno osobe koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave shodno odredbama Zakona o upravnom postupku Brčko distrikta BiH, radi nenadležnosti.
24. Postupak pokrenut po anonimnoj prijavi protiv osobe koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave, shodno odredbama Zakona o upravnom postupku Brčko distrikta BiH, radi nenadležnosti.
25. Postupak pokrenut po anonimnoj prijavi protiv nosioca javne funkcije, člana Vijeća nacionalnih manjina Brčko distrikta Bosne i Hercegovine, zbog sumnje na postojanje sukoba interesa, odnosno zloupotrebe položaja, a u vezi sa članom 11. Zakona o sprečavanju sukoba interesa u institucijama Brčko distrikta Bosne i Hercegovine, a u vezi sa članom 2. Zakona, okončan odlukom o nepokretanju postupka.
26. Postupak pokrenut po anonimnoj prijavi protiv osobe koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave, shodno odredbama Zakona o upravnom postupku Brčko distrikta BiH radi nenadležnosti.
27. Postupak pokrenut po anonimnoj prijavi protiv osobe koja nema status nosioca javne funkcije shodno Zakonu o sprečavanju sukoba interesa u institucijama Brčko distrikta Bosne i Hercegovine, okončan zaključkom o odbacivanju prijave, shodno odredbama Zakona o upravnom postupku Brčko distrikta BiH, radi nenadležnosti.
28. Postupak pokrenut po službenoj dužnosti protiv nosioca javne funkcije, člana Upravnog odbora JZU "Zdravstveni centar Brčko" Brčko distrikta BiH, zbog netačnosti i nepotpunosti podataka u Izveštaju o imovinskom stanju shodno članu 19. i 20. Zakona o sprečavanju sukoba interesa u institucijama Brčko distrikta Bosne i Hercegovine, okončan rješenjem o utvrđivanju postojanja povrede zakona, izrečena novčana kazna, obustavom 10% plate.
29. Postupak pokrenut po anonimnoj prijavi protiv nosioca javne funkcije, člana Upravnog odbora Zavoda za planiranje, projektovanje i razvoj Brčko distrikta BiH, zbog sumnje na povredu člana 5. Zakona o sprečavanju sukoba interesa u

institucijama Brčko distrikta Bosne i Hercegovine, okončan odlukom o nepokretanju postupka.

Komisija za odlučivanje o sukobu interesa, tokom izvještajnog perioda zbog povreda odredaba Zakona izrekla je sankcije u 10 postupaka i to: tri novčane kazne u iznosu od: 2.000,00 KM, 1.000,00 KM i 500,00 KM i 5 obustava dijela isplate neto mjesečne plate, odnosno naknade koju nosilac javne funkcije prima za obavljanje javne funkcije u rasponu od 10% do 40% iznosa plate, odnosno naknade, te dvije opomene.

ODLUKA SUDA I OSTALIH NADLEŽNIH INSTITUCIJA OD UTICAJA NA RAD KOMISIJE ZA ODLUČIVANJE O SUKOBU INTERESA

Odluke koje utiču na rad i nadležnosti Komisije za odlučivanje o sukobu interesa, a koje su donesene tokom izvještajnog perioda su:

- 1. Presuda Apelacionog suda Brčko distrikta BiH, broj: 96 0 U 159898 24 Už od 30.12.2024. godine, kojom je žalba tužitelja iz Brčkog odbijena i potvrđena presuda Osnovnog suda Brčko distrikta BiH, broj: 96 0 U 159898 23 U od 26.07.2024. godine. Nakon okončanog sudskog postupka, nosilac javne funkcije je platio iznos od 1.000,00 KM za izrečenu novčanu kaznu Rješenjem Komisije za odlučivanje od sukobu interesa, broj: UP-I-KSI-09-22 od 17.11.2023. godine.*
- 2. Presuda Apelacionog suda Brčko distrikta BiH, broj: 96 0 U 1480001 24 Už od 28.03.2025. godine, kojom je žalba tužiteljice iz Brčkog odbijena i potvrđena presuda Osnovnog suda Brčko distrikta BiH, broj: 96 0 U 1480001 22 U od 16.09.2024. godine. Povodom istog predmeta, pokrenut je i izvršni postupak po prijedlogu tražioca izvršenja, Komisije za odlučivanje o sukobu interesa, zastupana po Pravobranilaštvu Brčko distrikta BiH, radi naplate iznosa od 3.000,00 KM, odnosno izrečene novčane kazne Rješenjem Komisije za odlučivanje od sukobu interesa, broj: UP-I-KSI-09-01/22 od 12.05.2022. godine. Iznos je naplaćen tokom izvještajnog perioda.*
- 3. Rješenje Apelacionog suda Brčko distrikta BiH, broj: 96 0 U 157467 25 Už od 17.11.2025. godine, kojim se žalba tužene Komisije za odlučivanje o sukobu interesa uvažava, te ukida presuda Osnovnog suda Brčko distrikta BiH, broj: 96 0 U 157467 23 U od 21.11.2024. godine i predmet vraća prvostepenom sudu na ponovno odlučivanje.*

EDUKACIJE/SEMINARI

Komisija je u decembru 2025. godine, u cilju provođenja svojih nadležnosti održala edukaciju za nosioce javne funkcije, nastojeći ih informisati o njihovim pravima, obavezama, odgovornostima, zabranjenim aktivnostima, ograničenjima, te kroz praktične odgovore nastojala je preventivno djelovati na aktivnosti nosilaca javne

funkcije, kako bi se što manje dovodili u situaciju da povrijede odredbe Zakona odnosno počine sukob interesa.

Zaposleni u Komisiji su uzeli učešće i na seminarima iz oblasti: upravnog postupka, javne nabavke i financija, a posebna pažnja je posvećena obukama vezano za primjenu novog Zakona o zaštiti ličnih podataka. Takođe su prisustvovali radionicama vezano za sukob interesa, provjere podataka iz Izvještaja o imovinskom stanju, primjeni digitalnih podataka i analitike u borbi protiv korupcije, koje su organizovane od strane OSCE-a i Transparency International BiH. Predstavnici Komisije prisustvovali su i konferenciji u Sarajevu „Fer i transparentno zapošljavanje“ kao i obilježavanju međunarodnog dana borbe protiv korupcije „Moć, interesi i država, Indeks zarobljenosti BiH.

BUDŽET KOMISIJE I POSTUPAK JAVNE NABAVKE

Članom 24 stav (5) Zakona o sprečavanju sukoba interesa u institucijama Brčko distrikta BiH propisano je da se sredstva za rad Komisije za odlučivanje o sukobu interesa osiguravaju u budžetu Brčko distrikta BiH.

Komisija za odlučivanje o sukobu interesa je u budžetu za 2025. godinu imala odobrena sredstva u iznosu od 605.505,23 KM.

Komisija je amandmanima umanjila sredstva na organizacionom kodu 33010001, te na ekonomskom kodu 611200 – Naknade troškova zaposlenih u iznosu od 15.150,00 KM, na ekonomskom kodu 612100 – Doprinosi poslodavca, sredstva su umanjena u iznosu od 7.665,00 KM i na ekonomskom kodu 613900 – Ugovorene i druge posebne usluge, sredstva su umanjena u iznosu od 4.360,00 KM, sve zbog zahtjeva skupštinske Komisije za budžet.

Ukupno umanjenje budžeta Komisije za odlučivanje o sukobu interesa tokom 2025. godine bilo je u iznosu od 27.175.000,00 KM.

Komisija je u izvještajnom periodu provodila sljedeće postupke nabavke:

poštanskih usluga, restoranskih usluga, hotelskog smještaja, obrazovnih seminara, kompjuterskog spremanja (cloud server), podrške za javnu vlast, te mini tenderisanje za nabavka: tonera, kancelarijskog materijala štampanog materijala, pića i toplih napitaka, higijenskog materijala, cvijeća i cvijetnih aranžmana, pomoći na cesti, programskog paketa za zaštitu od virusa, ljekarskih ordinacija (sistematski pregled).

SARADNJA

Komisija za odlučivanje o sukobu interesa je u izvještajnom periodu imala dobru saradnju sa svim organima i institucijama Brčko distrikta BiH, a prije svega sa organima zakonodavne i izvršne vlasti, Direkcijom za finansije Brčko distrikta BiH, Kancelarijom za upravljanje javnom imovinom, Policijom Brčko distrikta BiH, Pravobranilaštvom

Brčko distrikta BiH, Osnovnim sudom Brčko distrikta BiH i drugim organima i institucijama Distrikta. Osim navedene saradnje, ista je ostvarena i sa uredom OSCE-a i OHR-a. Takođe je nastavljena uspješna saradnja sa agencijama i komisijama koje se bave sukobom interesa, kako u zemlji, tako i u zemljama iz okruženja. Nastavljena je saradnja sa poslovnim bankama iz BiH, Agencijama za bankarstvo, Centralnom bankom BiH i drugim organima, institucijama i pravnim licima, koji posjeduju podatke i mogu pružiti pomoć Komisiji, kako bi što kvalitetnije izvršila provjere Izvještaja o imovinskom stanju nosilaca javne funkcije.

Komisija za odlučivanje o sukobu interesa u izvještajnom periodu nastavila je aktivnosti na što sveobuhvatnijem prikupljanju podataka, te je zbog dostavljanja nepotpunih i netačnih podataka iz evidencija koje posjeduje održala sastanke sa predstavnicima Agencije za posredničke, informatičke i finansijske usluge Banja Luka i Finansijsko informatičke agencije Sarajevo. Potom su održani sastanci s Direkcijom za evropske integracije Sarajevo, Republičkom upravom za geodetske i imovinsko pravne poslove, Banja Luka i drugima, u cilju što boljeg i kvalitetnijeg obavljanja aktivnosti propisanih Zakonom.

Komisija za odlučivanje o sukobu interesa u izvještajnom periodu nastavila je aktivnosti na poboljšanju kontakata sa nevladinim organizacijama, a posebno sa Transparency International BiH.

JAVNOST RADA KOMISIJE

Javnost rada Komisije očituje se objavom svih zakonom propisanih akata Komisije, kao i objavom informacija koje se odnose na sam rad Komisije, a na način da su javnost i nosioci javne funkcije putem web stranice, portala, radio emisija, itd. obavještavani o radu Komisije, jer rad Komisije mora biti maksimalno transparentan, kako nalažu demokratski principi i praksa u modernim društvima.

Nosioci javne funkcije su putem dopisa i web stranice Komisije obavještavani o njihovim pravima, obavezama i odgovornostima propisanim Zakonom o sprečavanju sukoba interesa u institucijama Brčko distrikta BiH i time podsjećani na sve obaveze, prava i rokove, kojih se moraju pridržavati.

Na stranici Komisije nalaze se obrazci ANEKSA I, II i III, koje su nosioci javne funkcije, nadležni organi, institucije i pravna lica koje je osnovao Distrikt obavezni popunjavati i dostavljati Komisiji shodno zakonskim odredbama.

Takođe na stranici Komisije nalazi se obrazac prijave sukoba interesa, te je moguće elektronskim putem podnijeti (anonimno i neanonimno) prijavu protiv nosioca javne funkcije, ukoliko građani sumnjaju da je nosilac javne funkcije načinio povredu odredaba zakona odnosno sukob interesa.

Intencija Komisije je da i dalje radi na izgrađivanju lične svijesti nosilaca javne funkcije, kako u cilju stavljanja javnog interesa iznad ličnog interesa od strane nosioca javne funkcije pri obavljanju njihovih poslova, tako i potrebi savjesnog djelovanja i primjeni načela propisanih članom 4. Zakona. Takođe nosioci javne funkcije obavezni su: blagovremeno predati Izvještaj o imovinskom stanju; prijaviti i predati primljene poklone i slično, a sve u cilju osiguranja političke odgovornosti i vjerodostojnosti

nosilaca javne funkcije odnosno zaštititi integriteta javne funkcije, kako je propisano članom 3. Zakona.

Komisija će i u narednom periodu raditi na modernizaciji informatičkih kapaciteta, unapređenju Jedinственog registra kako u cilju olakšanja rada zaposlenim u Komisiji, tako i zbog lakšeg načina pretraživanja podataka od strane građana, te povezivanju sa bazama podataka organa, institucija i pravnih lica, koji posjeduju te podatke, a u cilju prikupljanja istih i kvalitetnije provjere sadržaja Izvještaja o imovini.

Komisija je obavezna pristupiti represivnom djelovanju i izricanju sankcija nosiocima javne funkcije, ukoliko nosioci javne funkcije svojim aktivnostima povrijede odredbe Zakona i učine sukob interesa, iako je preventivno djelovanje u sprečavanju sukoba interesa, odnosno povredi odredaba zakona, osnovni cilj Komisije za odlučivanje o sukobu interesa.

Broj: KSI-10-06/26

Datum: 27.03.2026. godine

Predsjednik
Komisije za odlučivanje o sukobu interesa

Admira Mujić, dipl. pravnik